

Unnek Naonedad dibar



Bodad sonerien
Le jeu à la Nantaise,
amañ a-gleiz war
leurenn *Festival de
Bouche à Oreille* e
Parthenay.

A belec'h e teu mennozh al liammaj dibar-mañ ?

E Naoned ez eus ur gwir vuhez gant sonerezh Breizh. Doareoù sonerezh hengounel all zo amañ ivez, gant kumuniezhioù enbroidi. Sonerien Breizh zo desachet gant an holl sonerezhioù a-ziavaez bro abaoe pell-pell zo. Un darvoud zo bet avat hag en deus graet dimp kejañ hag ober sonadegoù : an eil "Naoned er Zenith" an hini e oa. Pedet e oa bet sonerien eus strolladoù lies da ginnig un arvest diwar-benn an hengoun a vremañ. François Robin (soner beuz, binioù-bras Bro-Naoned) ha Sylvain Girault (kaner) a voe en o c'harg bodañ sonerien hengounel. Unnek kaner ha soner en em gavas o labourat a-gevret erziwezh. Ken entanet e voe an 2 000 arvester a oa er Zenith en noz-se, ken e tivizas ar c'henstroll nevez-c'hanet mont pelloc'h gant e hent.

Dibar eo peogwir eo ouzhpenn ur gejadenn daouduek (Breizh o seniñ gant Aljeria da skouer). Liestuek eo er c'hontrefed, ha mesk-divesk rolloù-seniñ pep hini ac'hanomp, tud disheñvel war ar memes takad, hini Naoned. Ne vez ket mesket en ur mod a gemmje identelezh pep hini ac'hanomp, kaset e vez en-dro pep ton gant ar re m'emañ en o sevenadur orin. Ouzhpennet ez eus bet *drums* hag ur

gitar-boud, da gas arlivoù arnevesoc'h war donioù zo, a-frapadoùigoù.

Seniñ a rit e strolladoù all ivez ?

Ya, an holl ac'hanomp a ra. François ha Thomas Badeau (boest an diaoul, gitar-boud, treujenn-gaol) ha Pierre Lenormand a son er strollad festoù-noz *Esquisse* [s.o. *Bremañ* niv. 338]. François Robin ha Ronan Le Gourierec (bombard, saksofon boud) a son gant Les allumés du Chalumeau peurgetket. Paotr an drompilh, Micha Passethink ar Belarusad, a son gant strolladoù sonerien ar Reter (*Le spectre d'Ottokar, Bajka*). Erwan Hamon (fleüt) zo brudet-mat gant Hamon-Martin Quintet. Bet e oa o seniñ gant *Katé-Mé* ivez, gant Sylvain Girault. Henezh a ziorro raktresoù ouzhpenn en-dro d'e ganaouennoù. Aicha Legbaa, hon "Diva an Dezerzh", a ya a Vreizh da Aljeria (*Gaâda Diwane de Béchar*). Guillaume, paotr e c'hitar, a c'heller gwelet ingal er festoù-noz en daouad Blain-Layzour.

Evit a sell ouzhin, dalc'hmat e vezan war leurennoù ar festoù-noz ivez gant an triad *Kornu*, nebeutoc'h avat eget ne raen gant *Talar*. Kalz aliesoc'h em bez tro da vezañ war al leurennoù gant arvest *Avalon Celtic Dances* (sonerezh Iwerzhon). Sonerezh broioù keltiek adaozet evit ar binvioù-ker-

Unnek int. Ur sell dibar ha boutin ouzh ar vuhez a-stroll, e karantez gant an eskemmoù resis ha herrek, efedusted ha berzh. Naoned... Ne laka ket ac'hanoc'h da soñjal en ur skipailh mell-droad bet lorc'h Breizhiz ? Gant *Le jeu à la Nantaise* avat, eo ar son hag an hengoun kalonenn o c'henstroll. Hengoun amañ (Breizh !) evel-just, hag ivez reoù Aljeria, Iwerzhon, Jipsian ha Klezmer. Nerzhus al leurreniñ, startijenn hag ampartiz gant ar ganerien hag ar sonerien. Levezet gant an arvesterien ! Pennad-kaoz gant **Frédéric Bouley**, unan eus an unnek keneil eus Naoned ha soner bioloñs klasel hag iwerzhonat.

din a ran gant *Sikamor Quartet* on perzh ennañ. C'hoariva-ha-sonerezh gant an arvest *Le blanc lavoire de mes songes - Stivell wenn ma soñjoù*, a zo bet en Orvez e Kerzu diwezhañ. Gant *Cache-cache les lézards* ivez, un triad a gan evit ar vugale, diwar-benn gwarez an endro, ar bouedañ ha liested ar vuhez.

Petra eo da ereoù dit-te gant sevenadur Breizh, ha resisoc'h al Liger-Atlantel ?

E Naoned on bet o vevañ koulz lâret ma buhez-pad, amañ eo neuze eo en em savet ma identelezh vreizhat. Digor-bras an identelezh-se war levezonioù diavaez lies, evel ma vez e pep kêr vras a vremañ. Pa oan bugel ez aen da vakañsiñ e Ti Kendalc'h a-wechoù, kaset e vezen alies d'ar festoù-noz ha da sonadegoù liesseurt gant ma zud... Erru el lise e oa hiroc'h ma fri da vont war-zu sevenadurioù all, seniñ rock, bezañ en Iwerzhon pe e Pariz. Distro da sevenadur Breizh. Ma selloù ouzh ar gevredigezh deut pishoc'h. E Skol Diwan Naoned emañ ma bugale, ha laouen o vezañ eno. Goanag-bras ennon e teuint a-benn da vont en o bleuñv hep dic'haoliañ etre o breizhadelezh hag ar sevenadur-mestr. Evit c'hoazh ez a mat o doare kengejañ al levezonioù, a gav din !

Komzoù dastumet gant **Stefan Bian**